



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Bernardus Senens. Conf. 22. Augusti.

urn:nbn:de:hbz:466:1-44055

ad gladium damnavit. At SYMPHORIANVS præferri sibi secures non in supplicium sed triumphum putavit, quem augustissimum mater triumphantis fecit, dum his vocibus è tecto & ipsa triumphans, acclamavit. Io! fili, triumpha! Io! tecum mater triumpho! quid enim? Certè victorem filium, præferri secures, & sequi victum tyrannum video. Sed cur sine purpurâ? fallor; an tuus hanc cruor dabit. Et cur sine coronâ? iterum fallor, cælum hanc dabit, nec è mortali lauro dabit. Superi! filio jam supervivere matrem juvat, juvat oculos claudere. Audite votum novum sidera, & tu fili, i, sanguine subscribe. Hæc aut similia mater: filius interim cæleste jam Capitolium victor tenebat. *Ex Suario.*

Quæris aurum, & si volueris, fortè non habebis; Deum cum volueris, habebis; quia & antequam velles, venit ad te; & cum aversa voluntate esses, vocavit te; cum conversus esses, terruit te; & cum territus confitereris, consolatus est te. S. Aug. sup. Ps. 32.

S. BERNARDUS SENENS. CONF.

22. Augusti.

Senis oriundum sive JOANNEM sive BERNARDUM dicas, nunquàm nomen mentietur, semper virginis clientem loquetur. JOANNES à puero indigetatus, cum mansuetiorum musarum ductu ad Themidis adyta penetrasset, & quas didicerat modò leges cum plausu jam doceret, quò rectius humana perspiceret, in oculorum gravissimam ægitudinem incidit. Placuit à MARIA veriori Cynthiâ lumen mendicare; huic, si oculos illa reddat, totum hominem vovet. Voti dampnato dies interim appetebat, quo disputandum pro
S
more

more in publico erat. Hic dum Codicem, dum Digesta frequens corona hiat, ille alia omnia ingressus dicere contra legem hominumque vanitatem declamat; eam vel cœcutientibus nuper oculis se ait pervidisse; ne mirarentur, si hi redditi à VIRGINE humana omnia despicerent deinceps, è cælo esse: sequerentur illi oculatum nunc Doctorem, qui lippientem nuper. Finem orationi fuga dedit in montem olivis nobilem, quò pluribus jam concurrentibus, JOANNES scalas è cælo, & in his descendere beatos genios vidit, secumque candidatos quàm plurimos ad VIRGINEM FILIVMQUE VIRGINIS abducere, quod visum nequaquam somnium esse tunc credidit, cum Pontificis auctoritate vestem pro suis ex cæli sententiâ candidam, leges à D. Benedicto sancitas, Ordini nomen à MARIA de Monte Oliveti, ipse BERNARDI accepit. Obiit dum sociis, à peste infectis oculos pius claudit ipsissimus ocellus cæli, ex quo utinam ô MARIANI Argum faceretis! Ex Chron. ejusd. Ord.

Quantum illi laudandi atque prædicandi, qui dignati non sunt cum mundo florente florere; tantum increpandi & accusandi sunt, quos perire cum pereunte delectat. August. epist. 45.

S. ANTHUSA VIRG. 22. Augusti.

ANTHUSAM patria Seleucia, in hac nobiles parentes, apud hos raræ opes, & cum his rarior forma commédabat. Sed illa additura aliquid formositatis etiam animo, Christiani fontis balneas fustirabat, & lavari à Tharsensi Antistite Athanasio exoptabat. Quare veluti ad nutricem invisuram currum comite uno alterove servulo conscendit.

In-